



Broj predmeta: 10-1928/25
Broj akta: 10-274/26
Brčko, 16.02.2026. godine

Na osnovu člana 64 člana 65 i člana 70 Zakona o javnim nabavkama BiH („Službeni glasnik BiH“, broj 39/14, 59/22 i 50/24), Zapisnika o pregledu i ocjeni ponuda broj predmeta: 10-1928/25 broj akta: 10-156/26 od 30.01.2026. godine, direktor Zavoda za planiranje, projektovanje i razvoj Brčko distrikta BiH, donosi:

ODLUKU

o izboru najpovoljnijeg ponuđača

Član 1

Prihvata se preporuka Komisije za javne nabavke, koja je sastavni dio Zapisnika o pregledu i ocjeni ponuda broj predmeta: 10-1928/25 broj akta: 10-156/26 od 30.01.2026. godine u postupku javne nabavke da se kao najpovoljnija ponuda za javnu nabavku robe „Nabavka kancelarijskih uređaja“ za potrebe Zavoda za planiranje, projektovanje i razvoj Brčko distrikta BiH prihvati ponuda ponuđača: „Copitrade“ D.O.O. Bijeljina, Ponuda od 19.12.2025. godine sa ponudnom cijenom od 22.906,00 KM bez obračunatog PDV-a.

Član 2

Nabavka robe povjeriće se izabranom ponuđaču „Copitrade“ D.O.O. Bijeljina.

Član 3

Odluka stupa na snagu sa danom donošenja i dostaviće se ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 10-1928/25 broj akta: 10-1928-1/25 od 01.12.2025. godine. Predmet javne nabavke je roba „Nabavka kancelarijskih uređaja“ za potrebe Zavoda za planiranje, projektovanje i razvoj Brčko distrikta BiH. Javna nabavka je provedena po postupku konkurentskog zahtjeva za dostavljanje ponuda. Procijenjena vrijednost javne nabavke iznosi 22.948,72 KM bez uključenog PDV-a. Finansiranje nabavke vršiće se iz sredstava Revidiranog finansijskog plana II Zavoda za planiranje, projektovanje i razvoj Brčko distrikta BiH za 2025. godinu broj: 02-3002/24 broj akta: 01-1549/25 od 03.09.2025. godine, za koje je izvršena rezervacija sredstava.

Komisija za javne nabavke formirana Odlukom broj predmeta: 10-1928/25 broj akta: 10-2050/25 od 16.12.2025. godine sačinila je Zapisnik o pregledu i ocjeni ponuda broj predmeta: 10-1928/25

broj akta:10-156/26 od 30.01.2026. godine, u kojem je konstatovano da je u predmetnom postupku javne nabavke zaprimljena ukupno jedna ponuda koja je blagovremeno dostavljena. Riječ je o ponudi ponuđača „Copitrade“ D.O.O. Bijeljina.

Kako se u Zapisniku navodi, Komisija je nakon pregleda i ocjene pristiglih ponuda konstatovala da ponuđač „Copitrade“ D.O.O. Bijeljina u datom roku dostavio svu potrebnu dokumentaciju i to:

1. Obrazac za cijenu ponude-Prilog broj 1;
2. Izvod iz sudskog registra ili drugi ekvivalentan dokument izdat od strane nadležnog organa kojim se dokazuje pravo na obavljanje predmetne djelatnosti u smislu člana 46 Zakona o javnim nabavkama BiH (kopija);
3. Uvjerenje o poreskoj registraciji (kopija). U skladu sa članom 21 Zakona o poreskoj upravi Brčko distrikta BiH („Službeni glasnik Brčko distrikta BiH“ broj: 11/20) Poreska uprava određuje i dostavlja JIB Osnovnom sudu Brčko distrikta BiH elektronskim putem po postupku i na način propisan Zakonom o registraciji poslovnih subjekata u Brčko distriktu BiH, dakle od 01.01.2021. godine više ne izdaje uvjerenje o poreskoj registraciji poreskom obvezniku, nego je JIB broj sada sadržan u rješenju o registraciji.

te je utvrđeno da izabrani ponuđač ispunjava kriterijum najniže cijene i tehnički zadovoljavajuće ponude iz Tenderske dokumentacije broj predmeta:10-1928/25 broj akta: 10-1978/25 od 03.12.2025. godine, te je Komisija dala preporuku ugovornom organu da sa istim zaključi ugovor.

Imajući u vidu preporuku Komisije za javne nabavke, kao i kriterijum za ocjenu ponude iz Zahtjeva za dostavljanje ponuda odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke nezadovoljna stranka ima pravo žalbe u roku od 5 dana od dana prijema Odluke.

Dostavljeno:

- ① Internet stranici/Oglasnoj tabli Zavoda za planiranje, projektovanje i razvoj Brčko distrikta BiH;
2. Sektoru za planiranje društveno-ekonomskog razvoja i zajedničke poslove;
3. „Copitrade“ D.O.O. Bijeljina;
4. Evidenciji;
5. Arhivi.

